



KOMUNIKADO PA PRENSA

Fecha
19 di òktober 2015

Accountmanager
Jhanirha Da Costa Gomez-Anita

Email
jhanirha.anita@gobiernu.cw

TRABOUNAN RIBA KAMINDA HOSE LIBERIA TA KONTINUÁ

Willemstad - Servisio pa Obra Públiko (OW), ta informá ku djarason 21 di òktober awor e trabounan di mantenshon di Kaminda Hose Liberia (Sta. Rosaweg) na altura di Beurs pa Jan Boos ta kontinuá ku fase 1b.

E trabounan ta konsistí di:

- kita e kapa asphalt,
- buta un fundeshi di 'kalksteen',
- basha rant di betòn,
- i traha alsera separá for di kaya.

E trabounan lo ta na enkargo di e kontratista Curaçaose Wegenbouw Maatschappij (CWM) i lo tin un durashon di mas o ménos 4 siman.

Den kuadro di e trabounan aki, Servisio pa Obra Públiko ta traha huntu ku Departamentu di Tráfiko di Polis. Ta desviá e tráfiko di e siguiente manera:

Tráfiko ku ta bin di pariba:

Outomobilistanan di Kaminda Hose Liberia (Sta. Rosaweg), ku ta bin for di pariba ta desviá na altura di Beurs via kaminda Mitologia (West Groot St. Joris), Kaya Sparta, Kaya Orfeo i Kaya Zeus, pa subi bek riba Kaminda Hose Liberia na altura di Jan Boos.

Tráfiko ku ta bin di pabou:

Outomobilistanan riba Kaminda Hose Liberia (Sta. Rosaweg) ku ta bini for di pabou na altura di Jan Boos ta sigui kore den un direkshon te na altura di kaya Rederlust(Sahara grill).

Nan ta desviá den Kaya Rederlust, Kaya Choromi i kaminda Willems Cratz pa subi bek riba Kaminda Hose Liberia (Sta Rosaweg) despues sigi via Kaya Orfeo, Kaya Sparta i Kaminda Mitologia pa subi bek riba Kaminda Hose Liberia manera e bòrchinan ta indiká.

E negoshinan i habitantenan lo keda aksesibel via di Kaya Daedalus, Kaya Minotauro i tambe Kaminda Hose Liberia den un direkshon.

OW, Departamentu di Tráfiko di Polis i e kontratista CWM ta pidi tur outomobilista pa tene debito kuenta ku e kambionan i kore ku koutela. Tambe ta spera kompreshon i ta gradisí di antemano pa e koperashon.